

序

T 1307/8225

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

MAY 25 1962

同里俞嵩菴重編

王陽明先生

全集

敦厚堂藏板

陽明先生文集序

哈佛大學漢和
圖書館珍藏印

北
陵
義
地

古今之邈所以相合者惟一

心
羲黃堯舜湯文周孔聖聖相承

則心外無理天地古今一以貫

之已至孟子而當楊墨橫行獨

闡性善使仁義之道復明其功
不在禹下漢博而雜晉麗而葩
唐韻而靡幸董江都王文中韓
昌黎辨天人相與之理正君臣
父子之道至宋而濂洛關閩輩
出發太極之秘定性命之書承

先啓後庶幾賴焉有明以來卑
者溺於訓詁高者驚於虛寂分
心分理幾不可問吾姚陽明先
生出而學凡三變後於龍場萬
山叢棘中蛇虺魍魎瘴厲舐舌
之交石穴而處中夜驚起忽然

陽明先生文集
二
悟致良知之旨以是而參合天
地古今經史宗教無不條貫昭
合胎於孩少瞬目揚睂於孟子
縱橫透快於知行合一之論何
嫌何疑而至今尙有指之爲禪
者歟大槩惑於無善無惡心之

體併周子之無極而疑之不知
玄門說虛吾道不能以爲實佛
氏說無吾道不能以爲有第說
虛者好言前知近於簸弄精魂
說無者諱言義諦不顧自相矛
質何如吾道之正大光明非虛

非實亦有亦無本於格致誠正
而達於脩齊治平之爲衆著乎
昭然揭日月而行古來爻象疇
範非羲禹之良知則亦旋毛拆
甲同於龜馬而已千聖代與自
我作祖又何以云若陽明先生

之艱難險阻萬死一生進平樂
昌龍川諸賊并橫水桶岡諸寇
以書示薛侃曰破山中賊易破
心中賊難及宸濠破後世但知
擒濠之功而不知其神機妙算
內戢克幸外防賊黨撫定瘡痍

激勵將士諸門人危疑甚俱請
釋兵先生處之泰然曰二三子
何不講學旣又以湖兵歸路之
便因思田効命之助平斷藤峽
八寨諸巨賊國不費餉民不知
擾而仍聚徒賦詩絲竹鏗然何

一不取之良知良知又何往不
具妙用豈非文貫九功武經七
德造次必是顛沛必是者耶可
以考三王建天地質鬼神俟百
世者矣容城徵君孫先生者潛
心河洛主持南北道脉手定理

學宗傳以濂溪爲孟子之聞知
以文成爲濂溪之聞知而昔年
龍谿先生謂顏子之後一人又
豈特濂溪之聞知而已耶然則
本體未明而妄生枝節此何異
腐草捶鐘寸霧迷日其於本體
又何傷乎故容城孫先生列陽
明先生居十一子之中爲正宗
則良知之旨明後之人可以無
聚訟矣從幸與吾友嵩庵俞子
同居陽明先生舊里衣冠劍佩
猶能想像之從辨復歸里朝夕

嗟先生文集所得之身心深之
寤寐而吾友俞子筮仕粵東甫
下車而力任斯道於親民之暇
搜羅先生善本綱舉條輯捐俸
付梓公之同好當此徵調日繁
簿書鞅掌而吾友欲以先生曩


日之駐節兩粵者化誨東粵使
革薄從忠去鄙就雅豈惟先生
之文而已哉周子有云道立則
善人多善人多則朝廷正而天
下治其有關於世道人心甚大
惟良知之旨明而堯舜湯文周

孔之道不墜讀是書而俞子之
功又何如哉

皆

康熙庚申孟夏姚江後學鄔景

從謹序



王陽明先生全集序

斯道之常存於古今也豈

不重賴於理孝哉孝官廉

洛出而語孟卯經始昭朕

揭日月而行於世故攸

王序
賴之其後則朱李亭陸子
靜兩公最著余嘗竊異諸
儒於朱陸之學不得肯綮
疑信參半紛二聚訟互不
知其源流之合之明中葉

陽明王先生起而力振之
吳李歸本良知於陸為近
然而知出所以致要非竊
理不為功又何嘗不昇朱
子同條其貫蓋古今無德

性外之問季而士霖理學
外之事功則合朱陸而一
之而研究辨晰折衷衷帝
惟先生允稱焉先生綺紉
準胄塵軒冕芥珠玉孳二

焉闡發語孟羽翼卯經以
遠紹魏魯之傳近衍周程
之派春不啻抱冰握火期
終始文澈俾霖遺義而
止以是操修有年譚理則

微言大義靡不條晰人微
論事則洞悉攬要而拾諸
掌而撮其直陳誠盡臣之
石畫至若誇人則論斷嚴
切或略述而原心或指事

而責憲褒譎所加儼若衮
鉞局狀良史之直筆之是
果由諸中者理明識確及
發為文章如日星霽漢之
昭回而一種正大疑落史

氣不可撲滅羅圭峰章楓
也而下瞠乎其後矣至謂
有明理學王陽明與陳白
沙兩人工夫殊二義余竊
謂王之身陳工夫不異而

位用不同如益宗時先生
持正不阿毅朕以身任之
而功存宗社雖周絳焦也
定燕代裴普公心平淮蔡
韓魏公之威函夏而佐元

樞當不之過此無從先生
以致知格物之理成動心
忘性之功故不以危疑眩
異識不以險仄折其氣不
以常變得喪易異守故有

昔功名盛大先生視答固
有足時為人所齟齬先生
亦盲處晏如往之乎所鑿
定極當昔後世人所不能
措之手言所誅擊極當時

後世人所不敢出之言藉
嚴威以求補過之原好憂
患以為孝稽心助以是孝
以是教更以是為治即亦
吳撫虔時五額而南皆其

教所至士沐流風民歌
彙和迄今猶俎豆不祀之
會壬子休粵闡策士首課
道統皆余視藩篆得董厥
事因思漸統之傳自語孟

六經下逮濂洛以及芹亭
子靜白沙諸先輩以文
章經濟兼表著者拾難多
屈感慨係之適同孝官從
似宰俞君嵩菴為先生初

榆繼起和淑典型匪朝伊
夕念先生文集散失海內
胥求遺書者幾不可得爰
搜正列外三錄彙為全集
重光梨棗不勿理孝文章

經濟之編第列奏記傳銘
書文之序蓋以體用無殊
同條共貫亦古今彙德性
外之問學併無理學外之
更功之垂之因屬序於余

余惟先生文錄先是梓昉
於姑蘇次於元真實緒也
錢氏龍溪王氏與有力焉
則先生之教固無庸家喻
而戶曉也顧更得茲集毋

乃斯道復倡於海嶠而闢
邪說集大成用以佐戎
今上右文之治斯固粵韻人
士之幸抑寧止粵都人士
之幸已哉宰曰唯之徵先

生言無以弁斯集且竊以
光斯舉余不敏亦不敢辭
固陋乃敬述所聞而樂當
之云爾昔
康熙十二年冬十一月關

中後季王令禁手題于
珠江官署



餘姚史章隸古



王陽明先生遺像



奉

天承運

皇帝制曰竭忠盡瘁固人臣職分之常崇德報功
實國家激勸之典矧通侯班爵崇亞上公而
節惠易名榮逾華袞事必待乎論定恩豈容
以久虛爾故原任新建伯南京兵部尚書兼
都察院左都御史王守仁維岳降靈自天祐
命爰從弱冠屹爲宇宙人豪甫拜省郎獨奮
乾坤正論身瀕危而志愈壯道處困而造彌

澗紹堯孔之心傳微言式闡倡周程之道術
來學攸宗蘊蓄旣宏猷爲丕著遺艱投大隨
試皆宜戡亂解紛無施弗效閩粵之籌巢盡
掃而擒縱如神東南之黎庶舉安而文武足
憲爰及逆藩稱亂尤資仗鉞淵謀旋凱奏功
速於吳楚之三月出奇決勝邁彼淮蔡之中
宵是嘉社稷之偉勳申盟帶礪之異數旣復
撫蠻兩廣旋致格苗七旬蒞起功高賞移罰
重爰遵

遺詔兼采公評續相國之生封時而旌伐追曲江
之歿卹庶以酬勞茲特贈爲新建侯謚文成
錫之

誥命於戲鐘鼎勒銘嗣美東征之烈券綸昭錫世
登南國之功永爲一代之宗臣實耀千年之
史冊冥翊不昧寵命其承

凡例

先生學問專以致良知爲主良知者心之本體也
本體精明則所以經緯天地綱維萬物者皆從
此出矣山極其高而雲霞蔚起淵極其深而蛟
龍蒸變有本之學亦猶是也先生教人專從本
體上做工夫既不苦於支離又不墮於虛寂傳
程朱之衣鉢衛孔孟之藩籬千古崇祀食報不
爽故是集仍以講學居首

先生文集舊本以講學明道者爲正錄以詞章酬

應者爲外集以奏疏及公移爲別錄卽吾姚施四明先生亦分理學文章經濟爲三編不知聖賢教人體用一致表裏俱融或一篇之中有始理學而推及於政事者有始政事而原本於理學者月落萬川處處皆圓正不得強分色相也故予於集中如書與書爲類序與序爲類第別體裁不分支節觀者較舊本爲便

先輩刻書多用圈點批評一篇之中圈不過數句評不過數語要使文章之精意迸現紙上庶幾

讀者易於省覽近來濫用圈點遂至句櫛字比零雜可厭矣夫文章之妙全在本文與其評贊失真不若淡思自得况先生之文旨淡而言顯所謂千人亦見萬人亦見者也予第刻刊本文不敢妄加評點亦從游夏莫贊之意爾

先生年譜自釋齒而強壯自窮約而通顯一生之功名事業統備於斯當日門人簪筆而紀之鏤版而傳之欲以年譜不朽先生而其實先生自是不朽也但刻於江州之匡山書院者僅有專

書而不及文集予并文集彙爲一書使學者開
卷通閱知其先時立志者若何後來立業者若
何纖悉俱詳庶無遺憾

昔華亭徐少師階督學江西於士人家摹得先生
燕居像二朝衣冠像一此則其朝像也徐少師
嘗語人云此像於先生極肖予於吾里所見廟
像亦然今後人仰慕先生每有不見古人之恨
予特繪而傳之使學者能於有象之面目求其
無形之性情則語言文字之外當自有遇之者

先生文集吾姚錢緒山先生首刻於姑蘇嗣後閩
越河東關中皆有刻本近年以來板多殘失海
內求其遺書卒不易得予以家藏諸本輯而梓
之是役也起工於壬子之十月告成於癸丑之
九月其間亥豕之訛已細加糾正矣但原本偶
有殘缺不敢輕補一字以蹈自用之失而讐較
精工則家弟赤文之功爲不可泯也

自公堂主人識

白公樂道人編

蘇王鳳家與法文之修為不世承也

存與地不致神斷一平以願口供之失而警

大民其間定案多端已斷以世為父馬原本

之必好也故工休士平之十以書如依發其

內未其彭善卒不修併下以寒難南本神而

蘇河東關中首休院本世平以與地多欲夫

大主交熱肯被檢蘇山火主首院公故地神

王陽明先生全集總目

卷之一

書一

卷之二

書二

卷之三

書三

卷之四

書四

卷之五

序

卷之六

記

卷之七

說

雜著

卷之八

賦

騷

詩

卷之九

詩

卷之十

墓誌銘

墓表

墓碑

傳

碑

贊

箴

祭文

卷之十一

奏疏一

卷之十二

奏疏二

卷之十三

奏疏三

卷之十四

奏疏四

卷之十五

奏疏五

卷之十六

奏疏六

卷之十七

奏疏七

卷之十八

公移一

卷之十九

公移二

卷之二十

公移三

卷之二十一

傳習錄

卷之二十二

語錄

王陽明先生年譜

先生諱守仁字伯安其先晉右軍將軍羲之之後世本瑯琊居山陰至二十三世迪功郎壽徙餘姚壽五世孫綱官廣東叅議死苗難廟祀增城綱生彥達號祕湖漁隱彥達生與準永樂間舉遺逸不起號遜石翁曾祖世傑以明經貢入太學號槐里子祖天敘號竹軒父華號龍山由進士及第第一人仕至南京吏部尚書龍山公念山陰山水佳麗又爲先世故居復自餘姚徙

越城之光相坊先生因築室陽明洞故學者稱
爲陽明先生

成化八年壬辰九月三十日丁亥先生生 先生
在娠十四月生之夕祖母岑夢神人衣緋玉自
雲中鼓吹送兒來驚寤已聞啼聲竹軒翁因命
名雲而鄉人遂指所生樓曰瑞雲樓

十二年丙申先生五歲猶不言有神僧過而目之
曰好個孩兒可惜名字道破竹軒翁更以今名
卽能言嘗暗誦翁所讀書翁訝問之曰向聞祖

讀時已默記矣

十七年辛丑先生十歲 龍山公舉進士第一甲

第一人

十八年壬寅先生十一歲 竹軒翁因龍山公迎
養攜先生如京師過金山寺與客賦詩未就先
生從傍占一絕客大驚復命賦蔽月山房先生
又占一絕明年就塾師於邸中一日與同學生
走長安街遇相者曰吾爲爾相爾鬚拂頰入聖
境鬚至上丹臺結聖胎鬚至下丹田聖果圓先

生感其言歸問師曰何爲第一等事師曰讀書
登第先生曰恐未是當讀書作聖人耳

十年甲辰先生十三歲 母太夫人鄭氏卒居
喪哭泣甚哀

二十二年丙午先生十五歲 時石英王勇亂畿
內石和尚劉千金亂秦中先生出遊居庸遂健
兒騎射遍詢所以備禦之策經月始返夜夢謁
伏波將軍廟賦七言絕句先生感慨時事屢欲
上書龍山公格而止之

弘治元年戊申先生十七歲 七月親迎夫人諸

氏於洪都時諸公養和爲江西叅議先生就署
委禽合卺日偶行入鐵柱宮見道士跣趺卽而
叩之相與對坐談養生次早始還 署中有紙
數篋先生日取學書書法大進先生嘗曰吾始
模古帖止得字形後舉筆不輕落紙凝思靜慮
擬形於心久之始通其法既後讀明道先生書
曰吾作字甚敬非要字好只此是學既非要字
好又何學也乃知古人隨時隨事只在心上學

此心精明字好亦在其中矣

二年己酉先生十八歲 十二月以夫人諸氏歸
餘姚舟過廣信謁婁一齋諒講格物之學先生
甚喜以爲聖人必可學而至也遂深契之

五年壬子先生二十一歲舉浙江鄉試時聞中夜
半見有二巨人各衣緋綠東西立大言曰三人
好作事已而先生與孫中丞燧胡尚書世寧同
舉及宸濠之變胡發其奸孫死其難先生平之
六年癸丑先生二十二歲春試南宮下第宰相李

西涯素器先生戲曰待汝作來科狀元試爲來
科狀元賦先生拈筆而就有忌者曰此子取上
第目中無我輩矣及丙辰春試竟爲忌者所抑
同舍有以不第爲耻者先生慰之曰世以不得
第爲恥吾以不得第動心爲恥

十年丁巳先生二十六歲 時邊烽甚急詔舉將
才無以應先生因精究兵法每遇賓宴常聚果
核列陣勢爲戲

十一年戊午先生二十七歲讀考亭上光宗疏有

日居敬持志爲讀書之本循序致精爲讀書之法乃悔前日用力雖勤而無所得者欲速故也因循序以求之然物理吾心終判爲二沈鬱旣久舊疾復作偶聞道士談養生遂有遺世人山之意

十二年己未先生二十八歲春舉會試第二人賜二甲進士出身第七人觀政工部先生爲諸生時夢威寧伯王越遺以弓劍是秋奉命督造威寧墳馭役夫以什伍法休食以時暇則驅

演八陣圖事竣威寧家謝以金帛不受乃出威寧夙所佩劍以贈適與夢符遂受之時有星變下詔求言先生疏論邊務八事

十三年庚申先生二十九歲授刑部雲南司主事十四年辛酉先生三十歲奉命讞獄江北多所平反事竣遊九華山見道者蔡蓬頭問以仙術蔡曰尚未有頃先生遊左右再拜請問蔡曰尚未問至再三蔡曰汝禮雖隆終不忘官相大笑而別聞地藏洞有異人坐臥松毛不火食先生

歷巖險訪之值其睡先生默坐良久方醒問以第一義荅曰周濂溪程明道是儒家兩個好秀才也語畢復睡先生歸明日再送不復見矣

十五年壬戌先生三十一歲 八月 予告歸越

築室陽明洞行導引術友人王思輿等來訪先生命僕迎之且歷語其來蹟似先知者衆驚異以爲得道久之先生悟曰此簸弄精魄非道也遂屏去其術欲離家遠遯念祖母岑與龍山公在因循未決又忽悟曰此念生於孩提此念可

去是斷滅種性矣乃移居西湖迨來南屏虎跑間有僧禪坐三年不語不視先生喝曰這和尚終日巴巴說甚麼終日眼睜睜看甚麼僧驚起先生問其家對曰有母在曰起念否對曰不能不起念先生卽指愛親本性諭之僧涕泣謝歸

十七年甲子先生三十三歲秋主考山東鄉試

九月改兵部武選司主事

十八年乙丑先生三十四歲 是年湛甘泉若水

王陽明先生年譜
卷之六
為庶常一見定交共以倡明聖學為專門人始
進

正德元年丙寅先生三十五歲 時庵瑾擅政南
京科道戴銑薄彥徽等以諫忤旨皆下獄二月
先生抗疏救之廷杖四十謫貴州龍場驛驛丞
二年丁卯先生三十六歲 夏赴謫至錢塘瑾遣
人陰跡先生先生度不免乃託言投江以脫之
密附商船遶舟山颶風大作一日夜至閩界比
登岼山行數十里夜扣一寺僧故不納又趨野

廟倚香案卧蓋虎穴也夜半虎但遶廊吼不敢
入黎明僧意先生必斃於虎將收其橐見先生
方睡醒驚曰公非常人也不然得無恙乎邀至
寺寺有道人即前識于鐵柱宮者出詩相示有
二十年前曾見君今來消息我先聞之句因問
先生曰爾欲安往萬一瑾怒逮爾父奈何先生
愕然因著之得明夷乃決策返遂取間道由武
夷歸時龍山公官南京吏部尚書從鄱陽往省
以十二月赴龍場驛時先生妹婿徐愛因先生

三陽明先生年譜 卷首 七
將赴龍場納贄北面奮然有志於學

三年戊申先生三十七歲 春三月至龍場驛龍
場在貴州萬山中蛇虺蠱蟲畢聚時瑾憾未釋
先生自計得失榮辱俱忘惟生死一念尚在乃
鑿石槲自誓曰吾惟俟命而已會從者皆病先
生親析薪取水作糜飼之又爲歌詩調越曲雜
談笑以相解慰因沈思聖人處此更有何道忽
中夜大悟格物致知之旨不覺呼躍而起默記
五經之言證之莫不脗合因著五經臆說人見

先生所棲湫溼爲構龍岡書院寅賓堂何陋軒
君子亭玩易窩以居先生水西安宣慰餽梁肉
給使令重以金幣鞍馬先生俱不受始 朝廷
議設軍衛於水西兼築城廓旣而中止然驛傳
尚存安惡據其腹心欲去之以問先生先生遺
書折其不可且申 朝廷威信令甲議遂寢已
而宋氏會長有阿賈阿札者叛宋氏爲地方患
先生復遺書詆諷之安悚然率所部平其難民
賴以寧

三陽明先生年譜 卷首
四年己巳先生三十八歲 貴州提學副使席書
聘先生主貴陽書院身督諸生師先生是年先
生始論知行合一其說具語錄中

五年庚午先生三十九歲陞廬陵縣知縣爲政七
月不事威刑惟以開導人心爲本 冬十一月
入 觀館於興隆寺時黃宗賢紹始見先生與
之語喜曰此學久絕子何所聞對曰雖瓮有志
實未用功先生曰人惟患無志不患無功明日
引見甘泉訂與共學 十二月陞南京刑部四

川司主事

六年辛未先生四十歲 正月調吏部驗封司主
事始論晦庵象山之學時方獻夫爲吏部郎中
位在先生上因論學遂執贄事以師禮 二月
爲會試同考試官 十月陞文選司員外郎
七年壬申先生四十一歲 二月陞考功司郎中
十二月陞南京太僕寺少卿使道歸省是年徐
愛以祁州守遷南工部郎與先生同舟歸越論
大學宗旨語詳傳習錄

八年癸酉先生四十二歲 冬十月至滁州日與
門人遨遊瑯琊灤泉間月夕環龍潭而坐者數
百人歌聲振山谷舊學之士日益至

九年甲戌先生四十三歲 四月陞南京鴻臚寺
鄉是年始專以致良知訓學者

十年乙亥先生四十四歲 立再從子正憲爲後
先生與諸弟守儉守文守章皆未舉子龍山公
擇守信子立之時年八齡 八月擬諫迎佛疏
時遣宦者劉允乘傳往迎佛徒允奏請鹽七萬

引以爲路費許之輔臣楊廷和執奏不聽先生
擬疏欲上後止 疏請告是年祖母岑太夫人
年九十有六疏凡再上

十一年丙子先生四十五歲 九月陞都察院左
僉都御史巡撫南贛汀漳等處王思輿語季本
曰陽明此行必立事功本日何以知之曰吾觸
之不動矣

十二年丁丑先生四十六歲 正月至贛州經萬
安有賊數百沿途劫掠商舟不敢進先生乃聯

商艦結爲陣勢揚旗鳴鼓如趨戰狀賊懼羅拜
呼曰饑荒流民乞求賑濟先生令人諭之曰至
贛後卽差官撫種各安生理毋作非爲自取戮
滅賊皆散歸 先生入贛日卽選募民兵行十
家牌法先是贛民爲洞賊耳目官府舉動賊必
先聞軍門一老隸作奸尤甚先生知之呼入密
室使自擇生死隸吐實先生許以不死試所言
悉驗先生于是盡得賊情 二月平漳寇 四
月劫師時二月不雨先生駐軍上杭禱於行臺

及班師一兩三日有司請名行臺之堂日時雨
堂 五月立兵符 奏設平和縣治於河頭移
小溪巡檢司於枋頭 六月請疏通鹽法 九
月改提督南贛汀漳等處軍務欽給旗牌得便
宜行事先是先生申明賞罰疏以旗牌便宜爲
請有笑其迂者獨王公瓊曰 朝廷此等權柄
不與此等人又將誰與覆疏得 旨悉從之
以平漳寇功陞俸一級賞銀二十兩紵絲二表
裡 疏處南贛商稅 十月平橫水桶岡諸寇

王陽明先生年譜
賊首謝志珊就擒先生問之曰汝何得黨類之
衆若此志珊曰亦不容易平生見世上好漢斷
不放過必多方鉤致之或周其急或逞其嗜好
待其懷德與之謀無不應矣先生顧謂門人曰
吾儒求友之切亦當如是 十二月班師 奏
設崇義縣治于橫水增茶寮隘上堡鉛廠長龍
三巡檢司

十三年戊寅先生四十七歲 正月征三泐 三
月平大帽泐頭諸寇 四月班師立社學 五

月奏設和平縣治於和平峒改和平巡檢司於
泐頭 六月以平橫水桶岡功陞右副都御史
廕一子錦衣衛世襲百戶 七月刻古本大學
刻朱子晚年定論 八月門人薛侃刻傳習錄
九月修濂溪書院 十月舉鄉約 十一月
再請疏通鹽法

十四年巳卯先生四十八歲 六月奉 敕勘處
福建叛軍十五日至豐城聞寧王宸濠反遂返
吉安值南風急舟弗能前乃焚香拜泣告天曰

天若哀憫生靈許我匡扶社稷願卽返風若無
意斯民守仁無生望矣須臾風漸止北帆盡起
濠遣兵追先生先生潛入魚舟得脫十九日至
吉安上疏告變慮濠順流窺建業犯京師兩都
倉卒無備思以計詒濠使遲留旬月於是僞爲
火牌公文間諜等先後設法故聞於濠濠果疑
懼先生一日發牌票二百餘左右莫知所往二
十一日叛黨方熾恐中途有阻再告變先生起
兵未奉成命上便道省葬疏七月初五日

疏上宸濠僞檄十三日率伍文定等傳檄四方
起兵發吉安十五日大會於樟樹遣奉新縣知
縣劉守緒襲破濠伏兵於新舊墳廠十九日發
市汊二十日拔南昌二十四日與賊戰于鄱陽
湖之黃家渡二十五日戰於八字腦二十六日
獲濠於樵舍江西平當是時南京都御史李克
嗣飛章告急集廷臣會議猶不敢斥言濠反獨
兵部尚書王瓊曰豎子素行不義今倉卒舉亂
殆不足慮上曰仁據上游躡之成擒必矣乃疏

請下詔削濠屬籍正賊名請命將出師趨南
都時群小導上親征有旨不必命將朕當
親率六師奉天征討假威武大將軍鎮國公行
事令太監張永張忠安邊伯許泰都督劉暉率
京邊官軍萬餘以從給事中祝續御史張綸隨
軍紀功八月十六日上疏諫止親征是日再
乞便道省葬不允九月十一日發南昌獻俘
如京師時忠泰等議將逆濠縱還湖中俟上
親與之戰而後奏凱論功先生不聽乘夜過玉

山適張永候於杭先生見永謂曰江西之民久
遭濠毒既經大亂繼以旱災又加以京邊官軍
供應不支必逃聚山谷爲亂天下將成土崩之
勢公素委心朝廷得無念耶永曰然吾之此
出欲調護左右以默輔聖躬非爲掩功來也
但皇上天性順其意猶可挽回若逆之徒激
羣小之怒無救於天下大計矣先生信其無他
以濠付之稱病西湖淨慈寺十一月奉敕
巡撫江西返南昌時忠泰等在江西百計撻羅

續論又望風附會肆爲飛語先生旣還北軍肆
坐慢罵或故衝導起釁先生一不爲動愈待以
禮密令居人移家於鄉而以老羸應門傳諭北
軍離家苦楚居民當敦主客之禮每出遇北軍
喪必停車唁慰久之北軍咸感服忠泰欲與先
生較射意先生必大屈先生勉應之三發三中
北軍在傍哄然舉手嘖嘖忠泰大懼曰我軍皆
附玉都耶乃班師是年十二月二十六日 上
至南都

十五年庚辰先生四十九歲 上在南都忠泰旣
憾先生譖先生必反 上問以何爲驗對曰試
召之必不來 正月有 詔召先生張永使幕
士錢秉忠密以報先生聞 命趨至忠泰復拒
之蕪湖半月先生不得已入九華山每日宴坐
艸庵中 上陰遣人覘之曰王守仁學道人也
安得反 命還江西過開先寺刻石於讀書臺
二月觀兵如九江 三月請寬租 三疏省
葬不允 五月江西大水疏自劾 六月如贛

大閱士卒教戰法江彬遣人來覘人皆爲先生
懼先生作啾啾吟解之有言萬安多武士命叅
隨往錄之龍光問曰宸濠旣平錄此何爲先生
笑曰交趾有內難出其不意而搗之亦一機會
也蓋是時上在南都宸濠尚未伏法而彬謀
叵測故有牛首夜驚之事先生之所以觀兵九
江校士贛州錄萬安武力者其意固難爲衆人
道矣 七月重上江西捷音疏時羣黨欲自獻
俘襲功張永不可於是以大將軍鈞帖令先生

重上捷音先生乃節畧前奏入諸人名於疏內
再上之 八月各部院雪理冀元亨冤狀 閏
八月初八日 上在南京受俘十二日旋蹕霍
韜曰是役也罪人已執猶動衆出師地方已寧
乃殺民奏捷誤 先朝於過舉搖國是於將危
蓋忠泰之攘功賊義厥罪滔天而續綸之詭隨
敗類其黨惡不才亦甚矣 四疏省葬不允先
生在贛聞祖母岑太夫人訃及海日翁病亟欲
棄職逃歸門人周仲曰先生思歸一念亦似着

相先生良久曰此相安能不着 九月還南昌
十二月初三日 上在通州賜宸濠死初八
日 上還京

十六年辛巳先生五十歲 正月居南昌錄陸象
山子孫 三月 上崩於豹房 四月 世宗
登極 五月集門人於白鹿洞 六月召先生
馳驛來京發南昌輔臣沮之陞南京兵部尚書
叅贊機務先生行至錢塘上疏仍乞便道省葬
九月歸餘姚省祖塋訪瑞雲樓 十二月制

封新建伯奉天翊衛推誠宣力守正文臣特進
光祿大夫柱國兼南京兵部尚書照舊叅贊機
務歲支祿米壹千石三代并妻一體追封給與
誥券子孫世世承襲詔至適龍山公誕辰先生
捧觴爲壽公蹙然曰寧濠之變皆以汝爲死矣
而不死皆以事難平矣而卒平讒構朋興禍機
四發岌乎幾不免矣天開日月顯忠遂良父子
濫冒封賞穹官高爵復相見於一堂豈非幸歟
然盛者衰之始福者禍之基雖可幸亦可懼也

先生洗爵而跪曰大人之教兒所日夜切心者也

嘉靖元年壬午先生五十一歲 正月疏辭封爵不允 二月龍山公卒先生哭踊幾絕戒家人齋食百日未幾又令弟姪輩稍進乾肉曰諸子豢養習久強其不能是恣其作偽也不如稍寬之使各求自盡可矣先生久哭暫輟有弔客至侍者云宜哭先生曰哭發于心若以客至而始哭則以客退而不哭矣世人飾情行詐故於父

母亦然 七月再疏辭封爵不報時御史程啓克給事中毛玉承宰相意倡爲異說劾先生門人刑部主事陸澄上疏爲六辯以折之先生聞而止之 九月葬龍山公于石泉山

二年癸未先生五十二歲 二月南宮策士以心學爲問陰闢先生門人徐珊不荅而出門人錢德洪下第歸見先生先生喜相接曰聖學從茲大明矣德洪曰時事如此此學何由得明先生曰吾學惡得遍語天下今會試錄出雖窮鄉澁

谷無不見矣吾學既非天下必有起而求真是者 九月改葬龍山公於天柱峰鄭太夫人於徐山 十一月與張元冲論二氏之學先生曰聖人盡性至命何物不具二氏之學皆我之學卽吾盡性至命中完養此身謂之仙不染世累謂之佛後世儒者不見聖學之全故與二氏成二見耳

三年甲申先生五十三歲 正月越郡守南大吉見先生自陳其臨政多過問先生何無一言教

我先生曰吾已言之久矣大吉未解先生問曰吾不言汝何以知對曰此某之良知也先生曰良知非我常言而何大吉笑謝而去越數日再來請曰某過後甚悔雖亟思改圖曷若預言不犯爲佳先生曰人言不如自悔真切越數日又來請曰身過可勉心過奈何先生曰昔鏡未開明可以藏垢今鏡明矣一塵之落亦難住脚此入聖之機也勉之 八月十五日宴門人於天泉橋是夜月白如畫門人百餘人酒酣各歌詩

投壺擊鼓盪舟爲樂。時大禮議起，霍兀厓席元山、黃宗賢、黃宗明問先生先生皆不荅。十月門人南大吉續刻傳習錄。

四年乙酉先生五十四歲。正月夫人諸氏卒。四月附葬于徐山。六月先生服闋，禮部尚書席書特疏薦曰：生在臣前者見一人曰楊一清，生在臣後者見一人曰王守仁。九月歸餘姚省墓，會諸生於龍泉寺之中天閣。十月立陽明書院於越城。

五年丙戌先生五十五歲。聶豹以御史巡按福建渡錢塘來見先生，喜謂思孟周程無意相遭於千載之下，然豹是時尚以賓客禮見也。後六年豹出守蘇州，先生已違世四年矣。語錢德洪、王畿曰：吾學誠得先生開發，冀再見執贄不及矣。茲以二君爲證，具香案拜先生，遂稱門人。十一月庚申子正億生繼室張氏所出。

六年丁亥先生五十六歲。四月鄒守益刻文錄於廣德州。五月起總督兩廣、江西、湖廣軍務。

王陽明先生年譜 卷首 三
征思田 九月發越 十月過南昌先生舟次
廣信門人徐樾方自白鹿洞來有禪定意先生
目而得之令舉似曰不是已而稍變前語曰不
是此體豈有方所譬之此燭光無不在不可以
燭上爲光因指舟中曰此亦是光此亦是光指
舟外水面曰此亦是光樾唯唯明日至南浦百
姓懽迎填途塞巷至不能行父老頂輿傳遞入
都司先生命就謁者東入西出有不捨者出且
復入自辰至未而散始舉有司常儀明日謁文

廟講大學於明倫堂諸生屏擁多不得聞唐堯
臣詐爲獻茶者得上堂傍聽驚曰三代後安得
有此氣象耶 十一月至梧州上謝恩疏

七年戊子先生五十七歲 二月平思田 四月

興思田學校 七月平八寨斷藤峽 上經畧

思田及八寨斷藤峽事宜 九月疏謝獎勵賞

賚 十月以疾疏請告不報 謁伏波廟于烏

蠻灘宛然如少時夢中所見識二詩于其壁

祀增城六世祖綱廟 十一月班師至大庾嶺

三陽明先生年譜 卷首 三
先生疾已劇謂布政使王大用曰爾知孔明之
所以託姜維乎大用途擁兵護衛且爲敦匠事
二十五日至南安門人推官周積來見先生起
坐徐言曰近來進學如何積以政對遂問道體
無恙先生曰病勢危亟所未死者元氣耳二十
八日泊青龍舖明日召積入開日視曰吾去矣
積泣下問何遺言先生微哂曰此心光明亦復
何言頃之瞑目而逝門人贛州兵備張思聰迎
入南塾驛沐浴衾斂如禮 十二月初二日思

聰與官屬師生設祭入棺明日輿櫬登舟士民
遠近遮道哭聲震地至贛士民沿途擁哭至南
昌門人巡按御史儲良材提學副使趙淵請改
歲行士民昕夕哭奠

八年己丑正月喪發南昌 時連日逆風舟不能
行趙淵祝於柩曰公豈爲南昌士民留耶越中
子弟門人來候久矣忽變西風六日直至弋陽
二月庚午喪至越時朝中有異議爵廕贈諡
諸典皆不行方下 詔禁僞學詹事黃綰上疏

三陽明先生年譜
卷首
三
曰忠臣事君義不苟同君子立身道無阿比臣
昔爲都事今少保桂萼時爲舉人臣取其大節
與之交友及臣爲南京都察院經歷見大禮不
明相與論列從此二十餘年始終無間昨臣薦
新建伯王守仁堪以柄用萼與守仁不合因不
謂然小人乘間構隙然臣終不以此廢萼平生
也但臣於事君之義師友之道則有不得不明
者夫臣之所以淡知守仁者以其功與學耳然
功高而人忌學古而人不識此守仁之所以不

容於世也蓋守仁之大功有四其一宸濠不軌
謀非一日內臣如魏彬等嬖幸如錢寧江彬等
交臣如陸完等爲之內應鎮守如畢真劉朗等
爲之外應故當時中外諸臣多懷觀望若非守
仁忠義自許不顧赤族之禍身任討賊之事則
天下安危未可知矣今乃皆以爲伍文定之功
是輕發縱而重走狗也其二大帽茶寮泃頭桶
岡諸賊寨勢連四省兵積累歲守仁臨鎮次第
底定其三田州思恩構釁有年事不得息民不

得安故起守仁以往使盧王之徒崩角來降感
泣受杖遂平一方之難其四自來八寨爲兩廣
腹心之疾其間守戍官軍與賊爲黨莫可奈何
守仁假永順狼兵盧王降卒襲而殲之遂去兩
廣無窮之巨害夫守仁所立戰功皆除大患卒
又以死勤事而寧可泯滅之乎其學之大要有
三一日致良知致知出於孔氏而良知出於孟
軻何可異也二曰親民蓋大學舊本所謂親民
者卽百姓不親之親凡親賢樂利與民同其好

惡而爲絜矩之道者是也亦非創爲之說也三
曰知行合一蓋亦大易所謂知至至之知終終
之只一事也守仁發此欲人言行相顧勿事空
言是守仁之學弗詭於聖弗畔於道乃孔門之
正傳也而庸可非訾之乎今萼以此詆守仁遂
致 陛下失此良弼使守仁不獲致君堯舜誰
之過歟故臣不敢以此爲萼是也夫以守仁之
學之正如此其功之高又如此乃旌賞不及削
罰有加廢褒忠之典倡僞學之禁萼之所以輔

明主者爲何如哉今守仁客死妻子孱弱家
童載骨藁埋空山鬼神有知當爲惻然臣實不
忍見 聖明之世有此事也假使守仁生於異
世 陛下猶當追崇况在今日哉臣昔與守仁
友二十年一日憤寡過之不能守仁從而覺之
若有濳省遂師事之是臣於守仁實非苟然相
信如世俗師友者也臣於君父之前處師友之
間旣有所懷不敢不盡昔萼爲小人所讒臣爲
之憤旣而得白臣爲之喜固非臣之私也今守

仁之抱冤亦猶萼之負屈伏願擴一視之仁特
敕所司優以卹典贈諡仍與世襲并開學禁
以昭 聖德若此事不明則萼之與臣終不能
以自忘故臣敢直言如此所以盡事 陛下之
忠且以補萼之過也疏入不報 十一月葬先
生於洪溪門人會葬者千餘人麻衣衰履扶柩
而哭觀者莫不交涕洪溪去越城三十里入蘭
亭五里先生所親擇也先是前溪入懷與左溪
會衝齒右麓術者嫌之有山翁夢神人緋袍王

帶立於溪上曰吾欲還溪故道明日雷雨大作
溪泛忽從南岸明堂周濶數百尺遂定穴門人
李琪等築治更番月餘而墓成

隆慶元年丁卯五月 詔贈先生爲新建侯諡文
成

二年戊辰六月子正億襲封新建伯

萬曆十二年甲申 詔從祀先生於孔子廟

